



Rudarska 65. 75000 Tuzla, BiH, Tel.: (+ 387) 35 369 401, Fax: 369 405, e-mail: minbp@tk.kim.ba, web site: www.vladatk.gov.b

Na osnovu člana 48. stav (2) Zakona o dopunskim pravima branilaca i članova njihovih porodica, drugi prečišćeni tekst („Službene novine Tuzlanskog kantona“, broj: 10/20), člana 13. stav (2) Odluke o utvrđivanju uslova, kriterija i postupka ostvarivanja prava na besplatan priključak na infrastrukturnu mrežu, broj: 02/1-04-5591/21 od 16.03.2021. godine i člana 2. Odluke o terminu raspisivanja oglasa, broj: 15/1-04-5591/21 od 16.04.2021. godine Ministarstvo za boračka pitanja Tuzlanskog kantona, raspisuje

O G L A S
za podnošenje zahtjeva za ostvarivanja prava
na besplatan priključak na infrastrukturnu mrežu
u 2021. godini na području Tuzlanskog kantona

I Korisnici prava

Pravo na učešće po ovom oglasu, shodno Odluci o utvrđivanju uslova, kriterija i postupka ostvarivanja prava na besplatan priključak na infrastrukturnu mrežu (u daljem tekstu: Odluka) ima: lice iz člana 1. Zakona o dopunskim pravima branitelja i članova njihovih obitelji, drugi prečišćeni tekst („Službene novine Tuzlanskog kantona“, broj: 10/20, u daljem tekstu: Zakon), i to kako slijedi: član porodice šehida, poginulog, umrlog i nestalog branioca; ratni vojni invalid; dobitnik ratnog priznanja i odlikovanja; demobilisani branilac, kao i članovi porodice ratnog vojnog invalida, dobitnika ratnog priznanja i odlikovanja, mirnodopskog vojnog invalida i demobilisanog branioca.

Pravo na besplatan priključak u smislu Odluke podrazumjeva pravo na refundaciju uplaćenih troškova priključka na infrastrukturnu mrežu

II Uslovi za ostvarivanje prava

Pravo može ostvariti, lice iz tačke I ovog oglasa, pod uslovom da:

- a) ima stalno mjesto prebivališta na području Tuzlanskog kantona (u daljem tekstu: Kanton),
- b) stambeno pitanje rješava prvi put na području Kantona,
- c) posjeduje validan dokaz, račun o uplati priključka na infrastrukturnu mrežu i
- d) posjeduje valjanu dokumentaciju propisanu ovom odlukom za učešće u ovom postupku.

III Ograničenje za ostvarivanje prava

(1) Pravo na besplatan priključak na infrastrukturnu mrežu nema lice iz tačke I ovog oglasa:

- a) koje je ranije ostvarilo pravo na pomoć u stambenom rješavanju po ranijim programima i prethodno važećim pravilnicima, uredbama i odlukama ovoga Ministarstva u bilo kom iznosu ili
- b) koje je dobilo donaciju od općine, kantona, FBiH ili humanitarne organizacije u svrhu stambenog zbrinjavanja u prijeratnom ili sadašnjem mjestu prebivališta i sa istim riješio stambene potrebe ili
- c) koje je izvršilo uplatu priključka na infrastrukturnu mrežu prije 01.07.2019. godine.

(2) Izuzetno od stava (1) ovoga člana tačke a) i b) ove odluke, pravo na učešće po ovom oglasu ima lice iz tačke I ovog oglasa kod koga je objekat devastiran, uništen ili oštećen uslijed prirodnih nepogoda, odnosno bez krivice uzrokovane ljudskim djelovanjem, a nakon ostvarivanja ranijeg prava na finansijsku pomoć.

IV Namjena jednokratne pomoći

Finansijska sredstva se odobriti za:

- a) vodovodnu i kanalizacionu mrežu i/ili
 b) elektrodistributivnu mrežu, i to monofazni priključak dužine kabla do 50 metara.

V Način isplate jednokratne pomoći

(1) Na osnovu konačne rang liste, Ministar donosi rješenje o prenosu sredstava na račune grada/općina.

(2) Na osnovu rješenja iz stava (1) ove tačke, Služba nadležna za branilačko invalidsku zaštitu, prema mjestu prebivališta lica iz tačke I ovog oglasa putem poslovnih banaka vrši prenos sredstva na račun lica iz tačke I ovog oglasa.

VIII POPIS POTREBNE DOKUMENTACIJE

Popis potrebne dokumentacije

uz zahtjev za refundaciju finansijskih sredstva za besplatan priključak na infrastrukturnu mrežu

I OPŠTA DOKUMENTACIJA

Redni broj:	Naziv dokumenta	Organ koji izdaje dokument	Ko pribavlja dokumentaciju
1.	Zahtjev za refundaciju finansijskih sredstava u svrhu priključka na infrastrukturnu mrežu	Ministarstvo za boračka pitanja TK	Podnosilac zahtjeva
2.	kućna lista podnosioca zahtjeva u kojoj su navedeni članovi uže porodice (<i>član uže porodice je: bračni partner, vanbračni partner, djeca rođena u braku i van braka, usvojena djeca i pastorčad na redovnom školovanju, a najkasnije do navršene 25-te godine života, odnosno, koje je nesposobno za privređivanje, ukoliko je nesposobnost za privređivanje nastupila prije navršene 15-te godine života, odnosno, 25-te godine ukoliko se nalazilo na redovnom školovanju</i>), (<i>original ili ovjerena fotokopija</i>),	Gradska/Općinska služba za opću upravu i društvene djelatnosti	Podnosilac zahtjeva
3.	a) za članove PŠ-PB kopija prvostepenog ili revizionog rješenja (posljednje rješenje na snazi), b) za RVI kopija prvostepenog ili revizionog rješenja (posljednje rješenje na snazi), c) za dobitnika ratnog priznanja i odlikovanja ukoliko nema status člana porodice šehida, poginulog, umrlog i nestalog branitelja ili RVI ovjerena fotokopija rješenja o ostvarivanju prava na mjesečni novčani dodatak, d) za DB dokaz o pripadnosti branilačkoj populaciji - uvjerenje koje izdaje nadležni organ odbrane, <i>(dokumenti pod a), b) ili c) moraju biti dostavljeni kao original ili ovjerena fotokopija)</i> ,	Gradska/Općinska služba za boračko invalidsku zaštitu (tačke a), b) i c) Grupa za vojna pitanja za tačku d)	Gradska/Općinska služba nadležna za boračko invalidsku zaštitu Podnosilac zahtjeva

4.	<p>dokaz o zaposlenju svih članova uže porodice i visini stalnih izvora prihoda, a isto podrazumjeva:</p> <p>a) posljednja platna lista ovjerene potpisom i pečatom poslodavca ili uvjerenje poslodavca o visini posljednje plate (<i>original ili ovjerena fotokopija</i>), ili</p> <p>b) uvjerenje nadležne gradske /općinske službe o visini lične ili porodične invalidnine ili egzistencijane novčane naknade korisnika prava ili</p> <p>c) za korisnik prava koja imaju registrovanu samostalnu djelatnost: - obrazac 2002 o plaćenim doprinosima, za poslednja tri mjeseca i - GPD i SPR obrasci godišnje prijave. (<i>original ili ovjerena fotokopija</i>), ili</p> <p>d) ček od PIO penzije</p>	<p>Organ /ustanova/preduzeće gdje je korisnik prava zaposlen ili Poslovnica PIO /MIO</p>	<p>Podnosilac zahtjeva</p>
5.	<p>uvjerenje službe za zapošljavanje za sve nezaposlene članove uže porodice, a ukoliko se isti ne vode na evidenciji službe za zapošljavanje, uvjerenje iz ispostave porezne uprave za sve nezaposlene članove uže porodice kao dokaz o statusu nezaposlenosti, (<i>original ili ovjerena fotokopija</i>),</p>	<p>Služba za zapošljavanje ili Porezna uprava FBiH Ispostave porezne uprave</p>	<p>Podnosilac zahtjeva</p>
6.	<p>uvjerenje o redovnom školovanju djece u srednjeobrazovnim i visokoobrazovnim ustanovama (<i>original ili ovjerena fotokopija</i>),</p>	<p>Javne srednjeobrazovne i visokoobrazovne ustanove</p>	<p>Podnosilac zahtjeva</p>
7.	<p>izjava ovjerena u nadležnoj općinskoj službi ili kod notara da podnosilac zahtjeva i svi članovi uže porodice:</p> <p>a) nisu vlasnici niti suvlasnici drugih nekretnina (kuća/stan) na području BiH, izuzev one za koju je podnjet zahtjev za dodjelu jednokratne pomoći i</p> <p>b) da stambeno pitanje rješava prvi put na području Kantona,</p>	<p>Gradska/Općinska služba za opću upravu i društvene djelatnosti</p>	<p>Podnosilac zahtjeva</p>
8.	<p>Za samce: Izvod iz matične knjige rođenih i Izjava o postojanju / nepostojanju vanbračne zajednice (<i>original ili ovjerena fotokopija</i>),</p>	<p>Gradska /Općinska služba za opću upravu i društvene djelatnosti</p>	<p>Podnosilac zahtjeva</p>
9.	<p>uvjerenja o posjedovanju/neposjedovanju kuće za punoljetne članove uže porodice (<i>original ili ovjerena fotokopija</i>),</p>	<p>Gradska/Općinska Služba za geodetske i imovinsko pravne poslove</p>	<p>Gradska/Općinska služba nadležna za boračko invalidsku zaštitu</p>
10.	<p>račun za priključenje na monofazni priključak dužine kabla do 50 metara na elektrodistributivnu mrežu</p>	<p>JP koje vrši priključak</p>	<p>Podnosilac zahtjeva</p>

11.	račun za priključenje na vodovodnu i kanizacionu mrežu	JP koje vrši priključak	Podnosilac zahtjeva
12.	<p>dokaz o zdravstvenom stanju podnosioca zahtjeva ili člana uže porodice izdat od strane ovlaštene zdravstvene ustanove, ne stariji od šest mjeseci (<i>original ili ovjerena fotokopija</i>), samo za sledeća oboljenja:</p> <p>a) <i>respiratorne bolesti</i>: bolesti pluća praćene trajnim oštećenjem respiratorne funkcije (sa vrijednostima FVC, FEV 1 I FEV 1- FVC ispod 40%); apsces pluća i medij astinuma, piotorax i respiratorni distres sindrom;</p> <p>b) <i>bolesti koštano - mišićnog sistema i vezivnog tkiva</i>: direktna infekcija zglobova kod infektivnih i parazitnih oboljenja, seropozitivni reumativni artitis kada je bolesnik nesposoban za bilo kakve aktivnosti ili vezan za postelju i invalidska kolica, ankilozirajući spondilitis, protruzija intervertebralnog diskusa praćene komplikacijama (težim funkcionalnim oštećenjem nerava, mišića, popuštanjem sfinktera) zahtjevaju intezivan i dugotrajan tretman, kao i bolesti koje uzrokuju ozbiljne funkcionalne smetnje i lokomotornog aparata, vežu bolesnika za postelju i trajno ga onemogućavaju u svakodnevnim radnim aktivnostima);</p> <p>c) <i>neuromišićne bolesti</i>: progresivna neuromišićna oboljenja, multipla skleroza, mijastenija gravis, epilepsija nekontrolisana ili rezistentna na terapiju i nezarazni encefalitis i encefalomijalitis;</p> <p>d) <i>specifična stanja koja zahtijevaju skupi i doživotni tretman</i>: transplantacije organa, transplantacija koštane srži, stanja poslije operativnih zahvata na srcu, mozgu i plućima koja zahtijeva duže bolničko liječenje, rehabilitaciju i intenzivni medikamentozni tretman,</p> <p>e) <i>ostala oboljenja</i>: infarkt (srčani ili moždani) i maligni tumori)</p> <p>f) <i>kao i stanja poslije drugih operativnih zahvata</i>, a koja zahtijevaju duže bolničko liječenje, rehabilitaciju i intenzivni medikamentozni tretman, najkasnije u roku od tri godine nakon operativnog zahvata.</p>	<p>JZU UKC ili druge zdravstvene ustanove</p>	<p>Podnosilac zahtjeva</p>

IX Rok za podnošenje zahtjeva:

1) Zahtjev sa potrebnom dokumentacijom po ovom oglasu, podnosi se gradskoj/općinskoj službi nadležnoj za boračko - invalidsku zaštitu.

Zahtjev se podnosi u periodu od 19.04.2021. godine, a zaključno sa 04.05.2021. godine.

neposredno ili na adresu:

Služba boračko - invalidske zaštite grada/općine _____

ul.br. _____ sa naznakom

„Prijava na oglas za podnošenje zahtjeva za ostvarivanja prava

na besplatan priključak na infrastrukturnu mrežu

u 2021. godini na području Tuzlanskog kantona“

(Obrazac zahtjeva se nalazi u Službi, soba broj _____)

2) Nepotpune i neblagovremene prijave neće se razmatrati.

**MINISTARSTVO ZA BORAČKA PITANJA
TUZLANSKOG KANTONA**